

元秘史山川地名考

自敘

元祕史十五卷不著撰人姓氏其紀元太祖太宗兩朝
事迹至爲賅備惟文辭鄙俚未經辭人譯潤故數百年
來知之者尠近世順德李仲約侍郎始爲之注釋彙經
四五易而尙未有傳本余自束髮受書卽喜讀輿地之
書而于西北徼方輿則尤爲惓惓家中藏有靈石楊氏
祕史槧本暇時取而讀之苦其地名之佶曲弊牙乃徧
加攷訂譯以對音證以今圖偶有所得誌于書眉如是
者六厯寒暑戊子冬爲友人邀往吉林襄理案牘事竣
乃驅車徧游外蒙古各牧地身親目驗屢加改易是書

乃屬具大略然猶閉之篋衍不敢遽以示人也忽忽已

十年矣侍郎之墓亦將宿艸祕史舊注仍未彙行余友

奉賢阮君

惟和

劬古士也作祕史地理今釋就正于諸

暨陳太守

通聲

太守獎其勤并引仲約侍郎之說以正

其譌余亟取其彙讀之見其與余說合者十得入九間

有不同處乃更推究祕史上下文以證明當日所行之

地輿余說誤者則釐正之侍郎暨太守之說證以祕史

而仍不合者亦不敢增和之往復咨商漸就條理友人

見余彙者輒慙慙付梓謂示讀者之準余堅謝不獲因

舉山川地名攷先畀厠氏并爲之記其端曰於序讀元

史難讀祕史尤難元史書成六月扁略滋夥開國諸紀尤爲疏舛祕史以當時野言志軍行實事雖樸拙繁瑣而本史紕繆頗資是正官書采進豈爲虛譽然而烏焉塞目叢襍侏離難讀之端厥有數事一則同地殊名譯無定字兒而峒之不同扯撒徹之無別阿因勒卽爲阿亦惕兀勒灰又爲浯泐灰一鄂尔坤河也始曰斡兒洹繼曰斡列該一呼哈烏尔也前曰忽勒荅後曰阿刺兀巴勒主惕亦曰巴勒渚納康鄰秃兀又曰康里委吾不會其通幾爲所惑難讀者一或則名似同名地非一地統格黎克與統格理之小河實異巴兒忽眞與闊勒巴

兒忽眞又殊不兒罕旣非不兒吉岸撒阿里復非撒里
黑崑字音似近準向實殊難讀者二至于音有短長字
分多寡土兀刺原爲土刺阿勒台又屬按台印度也而
爲欣都思矣欽察也而爲乞卜察矣語苟昧夫急言緩
言字每眩于二合三合難讀者三若夫字經繙譯蒙夏
提滑闊閭納渥卽蒙文之青海阿勒台嶺寶彼語之金
山唐兀河西原爲一部女眞金國豈云殊方一篇之中
前後錯出不加尋繹歧誤終多難讀者四況乎涅坤塔
納水經未載源流川勒合申地志不詳基址雖可取證
他書旁徵往籍然以張石洲之精覈誤以不兒罕爲汗

山何秋濤之淹通又以撒阿里爲薩里默深淵洽烏尔
會與烏尔匝不分仲約專精脫窳木與託穆科相提自
揣構昧未敢謂補苴罅漏發摛要眇祇就管見疏其異
同加以條核廿年片帙藉質通人當代閱達賜之箴言
斯企予望之尔光緒丁酉仲夏會稽施世杰自敘

元祕史山川地名攷目

卷一

騰吉斯水

斡難河

不兒罕山

統格黎河

闊勒巴兒忽真

豁里禿馬敦

卽豁里禿馬惕

阿里黑兀孫

脫豁察黑溫都兒山

兀良哈部

巴勒諄阿刺

都亦連山

捕魚兒海子

闊連海子

兀兒失溫河

豁兒豁納川

迭里溫孛勒答黑山

扯克撒兒赤忽兒古剛山

卷二

帖兒古捏山

乞木兒合河

別帖兒山

豁兒出恢山

古連勒古山

桑沽兒河

合刺只魯格山

青海子 卽闊闊納活海子

客魯漣河

兀刺黑 勒邊隅

不吉兒地岸

土兀刺河卽土刺河亦曰禿刺

卷三

騰格理小河

不兀刺客額兒

幹兒洹卽幹兒豁水

辭涼格河

塔勒渾阿刺勒

合刺只客額兒

勤勒豁河

篋兒乞惕脫黑阿

不而罕合勒墩山

孛脫罕孛幹兒只

塔納小河

阿因勒合刺合納

巴兒忽眞

阿闊兒禿主兒不

合察兀刺禿速赤惕忽里牙禿速赤惕

忽勒荅合兒崖子卽阿刺兀惕

卷四

札刺麻山

斡列該不刺合

撒阿里

阿刺兀惕土兒合嶺

荅闐巴勒主惕地卽巴勒渚納

哲列捏卽者刺捏

赤那思

浯湖札河

忽速禿失禿延

台澧湖海子

朵羅安孛勒 荅兀

迭列禿口子

卷五

阿勒勒 灰不刺阿即兀勒灰一曰浯泐灰

額湏古涅河

刊沐連河洲

額捏堅歸列禿

兀乞惕牙

闊亦田

忽巴合牙

忽秃忽

帖兒速

合刺溫山

合申

古泄兒海子

垂河

秃兀唐兀

荅闌捏木兒格思

失魯格只

惕地 卽溼魯格泐

卷六

巴兒忽眞脫窟木

兀魯黑塔黑

潰豁黑水

阿勒勒台山

忽木升吉兒

兀瀧古河

乞溼勒巴失海子

巴亦荅刺黑別勒赤兒卽拜荅刺黑

合刺泄兀勒河

額垓兒阿勒台谷子

帖列格禿口子

忽刺安忽惕

者者額兒溫都兒山郎者折額兒

別兒客額列

卷七

卯溫都兒山

合刺合勒只惕額列惕地郎合勒合合兒合合

忽刺安不刺合惕

統格黎小河

勾兒合勒崑山 忽刺阿訥岫

三河源

阿兒合勒苟吉

折兒合不赤孩

卷八

阿不只阿闊迭格兒卽闊迭兀阿刺勒

的的克撒合勒

涅坤水

川勒

帖蔑延客額兒

客勒帖該合荅

康合兒合山

康孩

合池兒水

塔米兒河

納忽山

察乞兒馬兀

惕

合刺荅

勒

忽札兀刺

卷九

台合

勒

山

阿來嶺

額兒的失水

不黑都兒麻

儻魯山

額兒的失水林木內百姓

卷十

客列亦惕國

撒里黑崑

林木中百姓

失黑失惕

萬乞兒吉思種

失必兒種

忽刺安不合小徑

撫州

野狐嶺

宣德府

居庸關

龍虎臺

北平等郡

東昌

莫州撫州山嶺

潼關

汴梁

卷十一

北平失刺客額兒

燕京

大甯

女真

活刺納活二江

討活兒河

篋力克王城

不合兒城

申河

巴惕客辭城

子母河

巴魯安客額兒

阿梅河

兀籠格赤城

卷十二

兀都刺兒城

阿勒壇豁兒桓山嶺

赤魯等城

做出黑扯連城

巴黑塔種

欣都思種

阿魯種

康鄰等十一部落

亦的勒札牙黑二水

乞瓦綿客兒綿城

阿兒不合

撈幹兒合惕

賀蘭山

西涼

雪山

兀刺孩城

靈州

高麗

嶺北

元祕史山川地名攷卷一

曾稽施世杰

騰吉斯水

騰吉斯水一曰騰紀斯海子一曰騰吉思湖一曰寬
田吉斯海何秋濤李文田竝以爲卽今俄羅斯之裏
海友人阮惟和曰卽今科布多城西南哈弼察克旗
西之青吉斯河世杰案何氏李氏之說是也元史速
不台傳癸未年奏請討欽察引兵繞寬田吉斯海轉
至太和嶺出不意至則遇其部長方聚于不租河遂
收其境又至阿里吉河與斡羅思部遇一戰降之俄

國志略云成吉思之子拖雷率兵至俄國西鹹海旁之地後又帶兵至裏海繼又至尼泊河征服小國無算俄國率衆小邦戰于卡爾戛河之上該河入于阿薩夫海元史之阿里吉河卽志略之卡爾戛河其阿薩夫海卽今之裏海阿里吉河其水正入裏海則裏海卽祕史之騰吉斯水無疑

幹難河

幹難河一曰鄂倫河今曰敖嫩河皆幹難之對音爲今黑龍江之上源其源出喀爾喀車臣汗部西北境之肯特山東流有齊札婁河自南來注之又東流巴

尔喀河注之又東流齊母尔喀河注之

祕史之乞沐兒合河乃

折而東北流科勒蘇河注之皆北流入敖嫩河者也
又東北流有庫野河公古尔特河阿興阿河集尔渾
河布裕克圖河鄂拉河皆自北來注之又東北流尼
布楚河自北來會又東經尼布楚城而入黑龍江故
一統志曰敖嫩河舊名斡難河也

不兒罕山

不兒罕一作不而罕

卷三

一作不喇罕

卷十

皆必兒喀之

對音水道提綱云必兒喀嶺卽肯特山之東南斡山
也張穆以爲卽今之汗山世杰案張氏之說非也今

汗山在土刺河之南距敖嫩河源絕遠與祕史云在
幹難河源頭者不合是不兒罕山決非今之汗山今
肯特山東南幹山名曰必兒喀嶺其嶺正在敖嫩河
源頭則不兒罕山卽今必兒喀嶺

統格黎河

統格黎一作統格黎

克河三卷

卽通克拉之對音在喀

余喀土謝圖汗右翼左末旗境其源發于阿卽格肯
特山之西麓西南流卽通克拉河也又西南流有揆
河自正南來會至是而爲哈拉河然則統格黎卽今
之通克拉爲哈拉河之上流矣

闊勒巴兒忽真地面

闊勒巴兒忽真與卷三之巴兒忽真異卷三云脫黑

脫阿順僻涼格河走入巴兒忽真是其地在今俄羅

斯白哈兒湖今拜略爾湖濱巴爾古情河上之岸此卷闊

勒巴兒忽真既近禿馬敦部禿馬敦爲今土默特是

闊勒巴兒忽真其地亦當在蒙古非俄羅斯之巴爾

古情無疑世杰案龍沙紀略云枯輪海以南喀爾喀

河以西爲巴爾虎地巴爾虎卽此卷巴兒忽之對音

則闊勒巴兒忽真地在今敖嫩河源以東矣元史本

紀納真于巴刺忽民家爲贅壻正指此卷之巴兒忽

真地元氏先代多有與巴兒忽爲媼戚者後納真取
海都歸入刺忽之地率八刺忽及怯谷之民共立爲
君列營于八刺合黑河上跨河爲梁以便往來是元
未遷幹難河以前罔嘗建庭于闊勒巴兒忽真矣以
地望準之當在今黑龍江西南境

豁里禿馬敦地面

豁里禿馬敦一作豁里禿馬

惕種

卷十一

一作吐麻部

親征錄丁卽今內蒙古土默特之對音何秋濤曰吐

丑吐麻

麻一作禿滿地在今俄羅斯東境白哈兒湖左右世
杰案何氏此說非也今土默特部在喜峰口東北五

百九十里其地東至養息牧牧場界西至喀喇沁右翼界南至盛京邊牆界北至喀尔喀左翼及敖漢界東西距四百六十里南北距三百十里皆土默特二旗牧地何氏不知吐麻卽禿馬敦卽土默特之對音故疑其地在白哈兒湖左右也

阿里黑兀孫地面

阿里黑兀孫卽訥噶遜之對音阮惟和曰阿里黑兀

孫卽漢時之烏揭國地今之烏得河在俄羅斯境世燕案祕史云闊勒巴兒忽真的主人有一女兒嫁與豁里禿馬敦部的官人爲妻在阿里黑兀孫地面生

了阿蘭豁阿女兒据此則阿里黑兀孫地必在土默特部內今土默特右翼旗牧地東至訥呀遜山訥呀遜正爲黑兀孫之對音是阿里黑兀孫地必在訥呀遜山之麓無疑阮氏以爲烏得河未免過遠

脫豁察黑溫都兒山

脫豁察黑溫都兒山卽今烏蘭溫都尔之對音阮惟和曰朵奔笈兒于此山遇兀良哈部人元史速不台傳速不台蒙古兀良哈人先世獵于幹難河上遇敦必乃皇帝事與此合然則山近幹難河可知今當在車臣汗部西北境世燕案今外蒙古格根車臣汗

牧地東至烏蘭溫都尔山脫豁察黑溫都兒正爲烏
蘭溫都尔之對音

兀良哈部

兀良哈卽烏梁海之對音語解云兀良合卽烏梁海
今喀尔喀地名然則今自穆遜山西南阿尔泰山東
北所居之烏梁海種人卽元之兀良哈部矣

巴勒諄阿刺地面

巴勒諄阿刺本紀作八里屯阿懶語解改作巴魯圖
鄂拉皆喀里雅喇之對音阮惟和曰今車臣汗部中
後旗西界布余圖疑卽其地世杰案祕史云孛端察

兒順著幹難河去到巴勒諄阿刺地面住下文云不

忽合塔吉順著幹難河去尋行到統格黎河邊即今通克

河詢問那叢百姓云但見西北風起時鵝鴨翎毛似

雪般刮來所謂那叢百姓者即上文都亦連山即今多拉

山錫後順著統格黎河之一叢百姓也西北風起則翎

毛吹來是都亦連山在東南而亭端察兒所居之巴

勒諄阿刺地面在西北無疑以地望準之巴勒諄阿

刺即今喀里雅喇山其山在哈拉河入鄂余坤河之

西南喀里雅喇山之東南爲陀羅什山一日多拉錫

山秘史之都此山正居喀里雅喇之東南又在通克

亦連山

拉河邊與祕史所言之形勢皆合則巴勒諄阿刺地
必在喀里雅喇山麓可知

都亦連山

都亦連爲多拉錫之對音一曰陀羅什山其地在喀
里雅喇山之東南

捕魚兒海子

捕魚兒海子一曰布爾爾池一曰貝爾池亦曰布伊
爾湖一統志布伊爾湖在齊齊哈爾城西一千二十
里喀爾喀河西北流至此匯爲大湖又北流爲五順
河今日鄂爾順河亦曰烏爾孫黑龍江外紀云貝爾
河即祕史之兀兒失溫河

池亦作布爾池 國語布爾二字切讀成貝古名

捕魚兒海方數百里在總管

卽呼倫貝爾城

駐處西南三百

五十里蒙古境內之喀爾喀河是其源北流爲烏爾

孫河水道提綱云喀爾喀河折西南流數十里分支

渠西南匯爲巨澤曰布伊爾湖亦曰布育里鄂模形

如瓜瓠自東北至西南徑百四五十里東西徑七十

里亦俱倫泊

卽祕史闕連海子

之亞也自正北流出百數十

里爲烏順河何秋濤曰鄂爾順河卽古捕魚兒海其

字不同者乃譯音之異世杰案何氏此說甚誤捕魚

兒卽布爾兒之對音其水在鄂爾順河正南一百數

十里今鄂爾順河祕史謂之兀兒失溫河說詳後安得指捕魚兒海爲今鄂爾順河乎是古捕魚兒海卽今布雨爾池無疑

闊連海子

闊連海子一曰闊灤海子今日呼倫湖亦曰呼倫池古又名俱倫泊在齊齊哈爾城西北一千一百七十里餘里東距呼倫貝爾城總管駐處二百五十里池周五六百里有潮汐故黑江外紀云黑龍江精奇里江嫩江三江皆無潮汐呼倫貝爾二池有之潮來以朔望水道提綱云克魯倫河又東北曲曲流三百里經

阿兒坦厄莫兒山之東北瀦爲枯倫湖自西南而東北長徑二百餘里東西闊百餘里周可五六百里湖西三十里有巴留拉泰山東北近岸有噶兒巴里山正北有敖勒卽塞克忒山故明金幼孜北征錄云闊灤海子有山如長隄以限水遙望水如高山但見白浪隱隱据是知闊連爲呼倫之對音闊連海子卽今之呼倫湖也

兀兒失溫河

兀兒失溫爲烏尔孫之對音一曰鄂尔順河一曰烏里順河一曰五順河在布爾沁池正北流一百數十

里而入呼倫湖祕史所以云捕魚兒海子闊連海子
兩海子中開的河名兀兒失溫也

音中豁兒豁納川地面

豁兒豁納川一作豁兒豁納黑主不兒卷三一作豁兒

豁納主不兒卷九本爲一地特譯字有繁簡阮惟和曰

今敖嫩河源側近地世燕案豁兒豁爲活兒活之對

音豁兒豁納川卽今之活兒活河也一作訶尔訶齊

又作和尔和齊水道提綱云喀尔喀河有數源其最

西之源爲活兒活河自南來會折西北流而爲喀尔

喀河攷活兒活河發源于其南之索岳尔濟山北流

入于喀尔喀河然則豁兒豁納川地面卽在活兒活河上矣

迭里溫亭 勒荅黑山

迭里溫亭 勒荅黑 一作迭里溫亭 勒荅合 卷三 一作迭

里溫亭 勒荅 卷十 元史作跌里溫盤陀親征錄同卽今

集尔渾之對音何秋濤曰敖嫩河東流集尔渾河自北入之世杰案集尔渾河出卡倫外巴彥珠尔克山南流逕集尔渾卡倫又南流巴勒集河自西來匯南流而入敖嫩河然則迭里溫亭 勒荅黑 山卽集尔渾河邊之小山無疑元史云跌里溫盤陀者盤陀譯言

山也

扯克撒兒赤忽兒古兩山

扯克撒兒下文作扯克扯兒一作扯克徹兒卷二一作

撒克撒列卷五親征錄作徹兒皆今托諾之對音赤忽

兒古一作赤忽兒忽卷二親征錄作赤忽兒黑皆今

拖拉哈之對音張穆曰此二山當卽今拖諾拖拉哈

今圖名兩山世杰案張氏說是也拖諾山在克魯倫

河北爲車臣汗右翼中前旗境西南與大漠中拖拉

哈山遙遙相望拖拉哈山在車臣汗右翼中右旗境內故卷二云太祖

順河而行克魯倫河發源自北而南而東尋至扯

克
徹兒赤忽兒忽山兩閒以地望準之其爲拖諾拖
拉哈二山無疑

元祕史山川地名攷卷二

會稽施世杰

帖兒古捏山

帖兒古捏卽特勒尒濟之對音特勒尒濟山在必兒喀嶺南土拉河源之東爲外蒙古土謝圖汗中旗牧地殷化行北征紀略云五月十三至昭磨多其北大山千仞矗立爲屏不見所盡處大山之下平川廣數里林木森立有河流其間曲折環繞其南出差多于北漸坦而下有小山似馬鞍橫焉戰地也小山右連南山可二十仞自西折三崖如階乃至顛其東復一

崖乃坦其左右崖如削山根水繞之卽土拉河也前
鋒遇賊於特勒尒濟口佯北賊勝轉鬪而前遂大敗
之世杰案殷化行所見之大山卽必兒喀嶺其似馬
鞍之小山卽特勒尒濟山也山多林木且有河流環
繞故祕史云帖木真走入山林被泰亦赤兀惕看見
趕到帖兒古捏山攷太祖世居不兒罕山不兒罕卽
今之必兒喀嶺泰亦赤兀惕欲得太祖因至不兒罕
山太祖畏之避入密林是帖兒古捏必在不兒罕南
今特勒尒濟山正在必兒喀嶺之南以地望準之帖
兒古捏卽特勒尒濟之對音無疑

乞沐兒哈河

乞沐兒合卽齊母尔喀之對音內府圖敖嫩河出肯
特山東北流有齊母尔喀河自東南來會西入敖嫩
河水道提綱云敖嫩河又東南南疑北數十里有呼
馬勒堪河自南大山合兩源北流當云西北流來會世杰
案祕史云乞沐兒合河西通幹難河正與今齊母尔
喀河西北流入敖嫩河合則乞沐兒合河卽今之齊
母尔喀河可知矣

別帖兒山

別帖兒卽他拉几尔之對音一名塔尔卽塔尔河發

源之山在齊母尔喀河東南塔尔河西北水道提綱云克魯倫河又東北百數十里有他拉几尔即河西北自必兒喀嶺西南麓合二源東南流來注之据此知別帖兒山即塔尔河發源之他拉几尔即山也山正在齊母尔喀河東南岸故祕史云在河邊耳

豁兒出恢山

豁兒出恢即活拉灰圖之對音水道提綱云僧庫尔河在巴顏烏喇山之東活拉灰圖山之西南世杰案僧庫尔河祕史之桑沽兒河源在齊母尔喀河之西南祕史云乞沐兒合河西通斡難河那小河邊有別帖兒山

山前有豁兒出恢孤山豁兒出恢山旣在別帖兒山
前以地望準之今活拉灰圖山正在他拉几余卽山
之前與祕史所言吻合是豁兒出恢卽今活拉灰圖
無疑

古連勒古山

古連勒古一作古列勒古卷四卽今巴顏烏蘭之對音

亦曰巴顏阿喇山也水道提綱云必兒喀嶺南百餘
里起頂爲巴顏烏蘭山勢甚高大是巴顏烏蘭山在
必兒喀嶺之南祕史云不兒罕山前有古連勒古山
不兒罕山卽今必兒喀嶺巴顏烏蘭在必兒喀嶺南

正與祕史所言古連

勒

古在不兒罕山前合則古連

勒古卽今巴顏烏蘭山可知其山在今車臣汗部右

翼中左旗右翼中前旗中右後旗三旗交界處

桑沽兒河

桑沽兒河一曰孫可勒河一曰僧庫尒河皆桑沽兒之對音水道提綱云僧庫尒河在巴顏烏蘭山之東活拉灰圖之西南其水長三百餘里以行沙地若隱若見南流入於克魯倫河世杰案克魯倫河自噶拉太嶺之西南二百餘里至兩山閒循山麓折而東南流二百數十里復折而東有僧庫尒河自北合三源

南流沙中來注之其河在今車臣汗部右翼中前旗境

哈喇只魯格小山

合刺只魯格一作合刺主魯格

卷四

卽哈喇莽鼐之對

音其山在今車臣汗旗之北少偏西車臣汗右翼前旗之東南正在僧庫爾河源之東居僧庫爾河邊故祕史云桑沽兒河邊有合刺只魯格小山也今日哈喇莽鼐山

青海子

青海子一作闊闊納語兒海子

卷四

語解闊闊改作庫

庫言青也是青海子卽闊闊納渥兒海子無疑今則名爲喀喇諾尔世杰案喀喇諾尔在哈喇莽鼐山西北僧庫尔河源東北故卷四云到合刺主魯格地闊闊納渥兒海子下營是也今車臣汗部右翼前旗之西右翼中左旗之東有喀喇諾尔卽此青海子也蒙古呼黑爲喀喇呼池爲諾尔水色青者似黑故古曰青海子今日喀喇諾尔

客魯漣河

客魯漣一作客魯連

卷七

元史作怯綠連怯魯連曲烈

兒怯呂連親征錄作怯綠憐西游記作陸局河皆今

克魯倫之對音世杰案張德輝紀行云自外堡行十五驛抵一河深廣約什庫沱之三北語云翁陸連漢言驢駒河也一統志驢駒河今名克魯倫河其源出車臣汗部中右後旗大肯特山東南曲曲向西北流三千餘里而入呼倫池源流詳水道提綱

兀刺

黑勒 邊隅

兀刺

黑勒

其地在拖陵山之西南岸克魯倫河曲

處世杰案祕史云德薛禪與妻棚壇同送帖木真夫

妻回去到客魯漣河兀刺

黑勒

的邊隅德薛禪回

家去了是其逆克魯倫河而行必在今拖陵山西南

克魯倫河之曲處可知

不兒吉地岸根前

不兒吉卽巴爾喀之對音今巴爾喀河上岸也陳通
聲曰不兒吉卽巴爾稽之對音河之自西而東入黑
龍江者九一曰巴爾稽卽此不兒吉也世杰案陳氏
之說非也水道提綱云敖嫩河又東北流有科勒蘇
河自西南來會又東北有巴兒雞河自西東北流來
會是巴爾稽入敖嫩河已在科勒蘇河之東北去克
魯倫河源絕遠祕史云到客魯漣河源頭不兒吉地
岸則其地在克魯倫河發源之處今巴爾喀河發源

于必兒喀嶺東北流入敖嫩河正在克魯倫河源之東與祕史所言合則不兒吉爲今巴爾喀河無疑不兒吉地岸者卽今巴爾喀河邊之岸矣

土兀刺河

土兀刺一作土刺卷三一作禿刺卷十卽唐書所載獨

樂河之轉聲唐時鐵勒部居此亦卽鐵勒之對音今名土拉河又曰圖拉河發源喀爾喀中部忒勒兒几嶺之西曰圖拉色禽曲曲由西而南而北而東流一千六百餘里而入鄂爾坤河詳水道提綱此卷土兀刺河卽卷十三之禿刺河何秋濤以卷十三之禿刺河在

俄羅斯境與此卷非一地世燕案何氏此說非也是
卷云他如今在土兀刺河邊黑林子裏住此土兀刺
河爲王罕所居卽今之土拉河也卷十三云太祖遂
回至額兒的石地面過夏第七年秋回到禿刺河黑
林的舊營內是由額爾齊斯河行八個月始回和林
舊營則卷十三之土拉河非俄羅斯地明甚且前後
之土拉河皆有黑林二字黑林卽和林今曰昭莫多
本王罕舊居時已有此號安得以爲兩土拉河乎

元祕史山川地名攷卷三

會稽施世杰

騰格理小河

騰格理今名騰格里克爲外蒙古車臣汗右翼中左旗一等台吉駐地一統志云一等台吉揣音拉尒駐騰格里克據此知祕史之騰格理小河卽今騰格里克地面之小河矣

不兀刺客額兒地面

不兀刺客額兒親征錄作兀刺川又作不刺川卽今布拉之對音何秋濤北徼喀倫攷曰布拉喀倫南臨

布拉河世杰案不兀刺卽今布拉喀倫也客額兒元
槩本云曠野也其地在今齊蘭喀倫西南九十五里
恰克圖東六十五里今齊蘭河祕史謂之勒勒豁河
祕史云篋兒乞惕脫黑脫阿在不兀刺客額兒地面
徑直渡過勒勒豁河到篋兒乞惕脫黑脫阿地面夫
元太祖世居不兒罕山在今齊蘭河東南其曰渡勒
勒豁河則自東渡至西岸可知今布拉喀倫正在齊
蘭河之西南與祕史之言合然則不兀刺卽今布拉
喀倫無疑

幹兒洹

幹兒洹一作幹兒罕

見下

一作幹兒豁水

卷一

一作幹耳

汗

歐陽圭齋高昌侯氏家傳

皆今鄂尔坤之對音程春廬曰幹耳

汗今鄂尔坤河也世杰案程氏此言是也鄂尔坤河

源出外蒙古賽音諾顏旗牧地境二水合東流北合

一水經右翼中右旗右翼左末旗中前旗額魯特旗

折北流入土謝圖汗部界自源至流曲折東北流二

千餘里而與色楞格河

即祕史薛涼格河

合詳水道提綱

是今之

鄂尔坤即祕史之幹兒洹可知

薛涼格河

薛涼格河一曰仙娥河

唐書回鶻傳

一曰薛靈哥水

元一

曰契輦傑河

歐陽圭齋高昌契氏家傳

一曰錫蘭河

耶律鑄雙皆溪醉隱集

今色楞格之對音何秋濤引水道提綱云色楞格河有六源最北源曰哈喇台尔河出杭愛山頂西南麓卽會典圖說所云德勒格尔河瀚海集所云哈拉達尔河也次北源曰布克誰河卽會典之伊第尔河瀚海集之伊得尔河次南源曰齊老圖河卽瀚海集之貳吉冤察罕腦尔河又次南源曰烏里雅台河卽會典之特尔克河最南源曰阿濟勒克河卽會典之阿集拉克河惟會典以齊老圖河爲正源不取提綱六源之說蓋齊老圖河發源額尔哲伊圖泊泊在鄂尔

伯吉山之南百餘里周六十里東北流始曰齊老圖河世燕案色楞格河之正源自當以會典圖說爲塙若其旁源則水道提綱言之尙未詳以今輿圖證之德勒格爾河在色楞格河之西北布克綏河在其正西伊第爾河在其西少南齊老圖河在其西南德勒格爾河源出唐努山南麓東南流有伊克和羅河來會又東南流託爾和里克河自北來會又東南流布克綏河自正西來入之復東南流伊第爾河與齊老圖河皆自西南來會于是名爲齊老圖河由此折而東流額爾齊河自南來入之北特里河自北來入之

又東流阿察何自西南來入之哈拉鄂倫河自西北
來入之復東流特里河自北入之又東流哈綏河自
西南挾珠薩蘭湖努伊二河東北流來會再東流乃
爲色楞格河

其流詳水道提綱

卽祕史所謂薛涼格河也

塔勒

中渾阿喇勒地面

塔勒

渾阿喇勒

爲今卽拉哈卽圖布拉克之對音水

道提綱云鄂尔坤河又東北經卽拉哈卽圖布拉克
地南有西拉說博太河北自布龍山南支阜合三水
南流來注之又曰布龍山脈西南自巴顏濟魯克山
賽堪山繇亘而東北爲厄魯墨得衣山又東爲西拉

克山爲布昆沙拉山又東北爲布龍山蜿蜒至兩河
合處爲色楞格及鄂爾坤之界世杰案祕史云歹亦
兒兀孫在幹兒洄辭涼格河兩間塔勒渾阿刺勒地
面是其地必在今鄂爾坤色楞格兩河中間今卽拉
哈卽圖布拉克地正居此兩河之間爲布龍山南麓
其卽祕史之塔勒渾阿刺勒地無疑

哈喇只客額兒地面

合刺只客額兒卽今哈拉呼集余之對音阮惟和曰
此卽今土謝圖汗右翼右末旗牧地之哈拉河世杰
案哈拉河爲通克拉河下游距篋兒乞惕脫黑脫阿

所居之布拉喀倫絕遠且其時王罕在今土拉河北
去哈拉河又甚近如果合刺只客額兒卽今哈拉河
則太祖當引兵往王罕處會合今祕史云見王罕教
二萬軍上馬從不而罕合勒墩山前指著克魯漣河
不兒吉岸邊行了是王罕反引兵往會太祖卽此可
知合刺只決非今之哈拉河證以今圖色楞格河自
西南而東北流復折而正北流其西岸有庫克齊老
圖山此山之西有哈拉呼集尔地今時設有喀倫喀
倫之西則爲哈拉呼集尔河其地與脫黑脫阿所居
之布拉隔一色楞格河與歹亦兒兀孫所居之卽拉

哈卽圖布拉克亦隔一色楞格河一則東西相望一則南北相應三種筏兒乞惕適成鼎足之勢故與大祖起釁然則合刺只客額兒其爲今哈拉呼集尔無疑

勤勒豁河

勤勒豁河卽今齊蘭河之對音何秋濤曰楚庫河折北流逕俄羅斯伊拜商西又北流逕鄂伯尔齊都勒拜商西又西北流有齊蘭河自南來入之世杰案齊蘭河出齊蘭喀倫外北流而入楚庫河一曰齊蘭淖尔亦曰奇林河河西岸卽齊蘭喀倫西南至布拉喀

倫九十五里此卽祕史之勒豁河也

篋兒乞惕脫黑阿地面

篋兒乞惕乃部落之名脫黑阿當作脫黑脫阿乃篋

兒乞惕部之主也其所居之地在今布拉喀倫詳見

上不兀刺條

不而罕哈勒墩山

不而罕哈勒墩卽阿卽格肯特之對音所謂小肯特

山是也阮惟和曰卽今之汗山世杰案水道提綱云
敖嫩色禽在克魯倫河源西北三百餘里實小肯特
山土人呼爲阿卽格肯特山阿卽格蒙古語以爲小

也元太祖世居不兒罕山不兒罕卽今之必兒喀嶺
爲大肯特東南幹山則不而罕合勒墩卽今之阿卽
格肯特山無疑、

孛脫罕孛幹兒只地面

孛脫罕孛幹兒只爲博羅努魯之對音今之博羅努
魯山也在阿卽格肯特山之北與阿卽格肯特毗連
祕史云札木合逆著幹難河來孛脫罕孛幹兒只地
面又曰帖木眞王罕札木敢不三人相合往幹難河
源頭孛脫罕孛幹兒只地面又云自孛脫罕孛幹兒
只起程至勒豁河合而觀之知孛脫罕孛幹兒只

必在今敖嫩河之西而近齊蘭河矣敖嫩河發源阿
即格肯特山山之北卽毗連博羅努魯山由博羅努
魯山而西北行卽齊蘭河以地望準之孛脫罕孛幹
兒只地必爲今之博羅努魯山可知

塔納小河

塔納卽啟查魯之對音今輿圖作齊札婁河者是也
陳通聲曰卽他拉巴爾集河阮惟和曰卽哈拉圖魯
河世燕案祕史云到不而罕山前塔納小河邊下了
是塔納河當在今必兒喀嶺之前陳氏阮氏之說未
免過遠以地望準之塔納小河卽今啟查魯河無疑

故水道提綱云敖嫩河稍東南流有啟查魯河東北
流來會

阿因^勒哈刺^哈合納地面

阿因^勒合刺合納一作阿亦^惕合刺合納^{卷四}皆呼馬

勒堪之對音卽齊母尔喀河邊地也水道提綱云敖
嫩河又東南流有呼馬勒堪自南大山合兩源北流
來會世燕案今圖呼馬勒堪河作齊母尔喀河此河
因呼馬勒堪之地而得名然則祕史之阿因^勒合刺
卽今呼馬勒堪河邊地矣

巴兒忽真地面

巴兒忽眞與卷一之闊勒巴兒忽眞異地而同名卷

一之巴兒忽眞爲今喀尔喀河以西之巴尔虎地詳卷

一此巴兒忽眞乃今俄羅斯境之巴尔古情河上岸

也李文田曰卷三脫黑脫阿順薛涼格河走入巴兒

忽眞則其地在今恰克圖之北順色楞河北流瀦爲

白哈尔湖此巴兒忽眞地之在幹難河源西者也世

燕案李氏說是也色楞格河北流入俄羅斯之拜喀

尔湖卽白哈兒湖其湖之東北隅有一小河西南流入拜

喀尔湖者卽巴尔古情河也今俄國于河上置一城

曰巴尔古情城距悉畢尔部拖波尔司克省西三百

二十五里卽此卷三之巴兒忽眞也巴兒忽眞正巴
尒古情之對音

訶闊兒禿主兒不地面

訶闊兒卽伯楚尒之對音今輿圖所謂伯楚尒山也
祕史云王罕從不兒罕合勒敦山背後經過訶闊兒
禿主兒不地面打圍以地望準之今伯楚尒山正在
阿卽格肯特山之後與祕史所云從不兒罕合勒敦
山背後之說適相吻合則訶闊兒爲今之伯楚尒可
知

哈察兀刺禿速卜赤楊忽里牙禿速卜赤楊二地面

合察兀刺爲禿兀刺之對音卽今土拉河發源之處
特勒兒几嶺之西麓所謂圖拉色禽是也忽里牙則
在圖拉色禽之東南此二地竝在阿卽格肯特山之
西南與土拉河源相近在王罕所居之黑林北祕史
云王罕從不兒罕合勒敦山背後經過訶闊兒禿主
兒不合察兀刺禿速卜赤惕忽里牙禿速卜赤惕三
處地面就打圍望著土兀刺河的黑林回去世燕案
王罕卓帳之地在今土拉河東北克魯倫河之西有
東庫倫今其地名曰昭莫多譯言有林木也是卽王
罕所居之黑林王罕回軍從今阿卽格肯特山背後

必先經伯楚尔山及圖拉色禽等地而後始達東庫倫耳

忽勒 苔哈兒崖子

忽勒 苔合兒一作阿刺兀 惕見卷四 卽呼哈烏尔之對

音亦曰呼哈烏蘭山其山在今黑龍江省西南邊境

和尔和齊河之東南世杰案今和尔和濟河卽祕史

之豁兒豁納川也 說詳卷一 祕史云忽勒 苔合兒崖子在

豁兒豁納 黑 主不兒地面則必在和尔和濟河之岸

上今呼哈烏尔山正在和尔和濟河之東南其爲祕

史之忽勒 苔合兒崖子無疑

子銳校字